



# ঢাকা বিশ্ববিদ্যালয় বার্তা

৩৩ বর্ষ ৯ম সংখ্যা

ওয়েবসাইট : <http://www.du.ac.bd> (DU Barta)

১ জ্যৈষ্ঠ ১৪২৬, ১৫ মে ২০১৯

## পরীক্ষায় অসদুপায় অবলম্বনের দায়ে ঢাবির ৫২জন শিক্ষার্থীকে বহিস্কার

পরীক্ষায় অসদুপায় অবলম্বনসহ বিভিন্ন অভিযোগে ঢাকা বিশ্ববিদ্যালয়, অধিভুক্ত সাত কলেজ, গার্হস্থ্য অর্থনীতি কলেজ ও বিভিন্ন নার্সিং কলেজের ৫২জন শিক্ষার্থীকে বিভিন্ন মেয়াদে বহিস্কার করা হয়েছে। গত ৩০ এপ্রিল ২০১৯ ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামানের সভাপতিত্বে অনুষ্ঠিত সিন্ডিকেট সভায় এই সিদ্ধান্ত গৃহীত হয়। সভায় পপুলেশন সায়েন্সেস বিভাগের একজন শিক্ষককে পরীক্ষা সংক্রান্ত কাজে আরও যত্নশীল থাকার তাগিদ দিয়ে পত্র প্রদানের সিদ্ধান্ত গৃহীত হয়। এছাড়া, বাংলাদেশ মেডিকেল কলেজের ২০১৭ সালের জুলাই মাসের ২য় পেশাগত এমবিবিএস পরীক্ষা কমিটির ৪ সদস্যকে তিন বছরের জন্য পরীক্ষা সংক্রান্ত সকল কার্যক্রম থেকে বিরত রাখার সিদ্ধান্ত গৃহীত হয়।

## অ্যালামনাই অ্যাসোসিয়েশনের বার্ষিক সাধারণ সভা

ঢাকা ইউনিভার্সিটি অ্যালামনাই অ্যাসোসিয়েশনের বার্ষিক সাধারণ সভা গত ২৭ এপ্রিল ২০১৯ ছাত্র-শিক্ষক কেন্দ্র মিলনায়তনে অনুষ্ঠিত হয়েছে। অনুষ্ঠানে প্রধান অতিথি হিসেবে উপস্থিত ছিলেন বিশ্ববিদ্যালয়ের উপাচার্য ও ঢাকা ইউনিভার্সিটি অ্যালামনাই অ্যাসোসিয়েশনের প্রধান পৃষ্ঠপোষক অধ্যাপক ড. মো. আখতারুজ্জামান। প্রধান অতিথির বক্তব্যে অধ্যাপক ড. মো. আখতারুজ্জামান বলেন, আমাদের গতানুগতিক চিন্তাভাবনা থেকে বেরিয়ে আসতে হবে। উদ্ভাবনী কর্মকাণ্ডের মাধ্যমে দেশ ও সমাজকে এগিয়ে নিয়ে যেতে হবে। আর একাডেমির সঙ্গে ইভাস্টিফিকেশন সমন্বয় করতে হবে। এক্ষেত্রে চিন্তার জগতে পরিবর্তন আনা জরুরি। নতুন কমিটি আরও সুন্দরভাবে তাদের কার্যক্রম চালাবে বলে তিনি আশাবাদ ব্যক্ত করেন। সভায় ঢাকা ইউনিভার্সিটি অ্যালামনাই অ্যাসোসিয়েশনের সভাপতি পদে এ. কে. আজাদ এবং মহাসচিব পদে রজন কর্মকার পুনরায় নির্বাচিত হয়েছেন। এছাড়া, ৩৯ সদস্যবিশিষ্ট নতুন কার্যনির্বাহী কমিটিতে রয়েছেন- সিনিয়র সহসভাপতি মোল্লা মোহাম্মদ আবু কাওছার, সহ-সভাপতি শাইখ সিরাজ ও আনোয়ার উল আলম চৌধুরী, সিনিয়র যুগ্ম-মহাসচিব আশরাফুল হক মুকুল, যুগ্ম-মহাসচিব সুভাষ সিংহ রায়, কোষাধ্যক্ষ দেওয়ান রাশিদুল হাসান, সাংগঠনিক সম্পাদক এ কে এম আফজালুর রহমান বাবু, দপ্তর সম্পাদক মো. শরিফুর রহমান, প্রচার ও জনসংযোগ সম্পাদক কাজী মোয়াজ্জেম হোসেন প্রমুখ।



ঢাকা ইউনিভার্সিটি অ্যালামনাই অ্যাসোসিয়েশনের বার্ষিক সাধারণ সভা গত ২৭ এপ্রিল ২০১৯ ছাত্র-শিক্ষক কেন্দ্র মিলনায়তনে অনুষ্ঠিত হয়েছে। অনুষ্ঠানে প্রধান অতিথি হিসেবে উপস্থিত ছিলেন বিশ্ববিদ্যালয়ের উপাচার্য ও ঢাকা ইউনিভার্সিটি অ্যালামনাই অ্যাসোসিয়েশনের প্রধান পৃষ্ঠপোষক অধ্যাপক ড. মো. আখতারুজ্জামান।

## ঢাবি থেকে ২৪জন গবেষকের পিএইচ.ডি. এবং ৮জনের এম.ফিল. ডিগ্রি লাভ

ঢাকা বিশ্ববিদ্যালয় থেকে সম্প্রতি ২৪জন গবেষক পিএইচ.ডি. এবং ৮জন গবেষক এম.ফিল. ডিগ্রি লাভ করেছেন। গত ৩০ এপ্রিল ২০১৯ উপাচার্য অধ্যাপক ড. মো. আখতারুজ্জামানের সভাপতিত্বে অনুষ্ঠিত সিন্ডিকেট সভায় তাদের এই ডিগ্রি প্রদান করা হয়। পিএইচ.ডি. ডিগ্রি প্রাপ্তরা হলেন: বাংলা বিভাগের অধীনে মুনیرা সুলতানা, ইংরেজি বিভাগের অধীনে মুসাররাত শামীম, আরবি বিভাগের অধীনে মো. সাইফুল্লাহ মানসুর, ইসলামের ইতিহাস ও সংস্কৃতি বিভাগের অধীনে নুসরাত ফাতেমা, ইসলামিক স্টাডিজ বিভাগের অধীনে মো. আহসান উল্লাহ, দর্শন

## বিশ্বকবি রবীন্দ্রনাথ ঠাকুরের জন্মবার্ষিকী উদ্‌যাপন নৈতিক মূল্যবোধ মানুষকে সত্যনিষ্ঠ হতে শেখায়-উপাচার্য



“মানবিক বিশ্ব বিনির্মাণে রবীন্দ্রনাথ” প্রতিপাদ্যকে সামনে রেখে ঢাকা বিশ্ববিদ্যালয় ক্যাম্পাসে গত ৮ মে ২০১৯ বিশ্বকবি রবীন্দ্রনাথ ঠাকুরের ১৫৮তম জন্মবার্ষিকী উদ্‌যাপিত হয়েছে। এ উপলক্ষে বিভিন্ন কর্মসূচি গ্রহণ করা হয়। কর্মসূচির মধ্যে ছিল আলোচনা সভা, প্রবন্ধ পাঠ, সাংস্কৃতিক অনুষ্ঠান প্রভৃতি। এ উপলক্ষে টিএসসি মিলনায়তনে এক আলোচনা সভার আয়োজন করা হয়। ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামানের সভাপতিত্বে সভায় প্রো-উপাচার্য (প্রশাসন) অধ্যাপক ড. মুহাম্মদ সামাদ উপস্থিত ছিলেন। মূল প্রবন্ধ উপস্থাপন করেন বাংলা বিভাগের অধ্যাপক ড. বেগম আকতার কামাল। বাংলা বিভাগের চেয়ারম্যান অধ্যাপক ড. ভীষ্মদেব চৌধুরী ও সংগীত বিভাগের চেয়ারপার্সন মিসেস টুম্পা সমদার আলোচনায় অংশ নেন। ভারপ্রাপ্ত রেজিস্ট্রার মো. এনামউজ্জামান অনুষ্ঠান সম্বলন করেন। উপাচার্য অধ্যাপক ড. মো. আখতারুজ্জামান বিশ্বকবি রবীন্দ্রনাথ ঠাকুরের স্মৃতির প্রতি গভীর শ্রদ্ধা নিবেদন করে বলেন, বাঙালি জাতি সত্তার বিকাশ এবং নৈতিক মূল্যবোধসম্পন্ন সমাজ প্রতিষ্ঠায় তিনি অনন্য অবদান রেখে গেছেন। তার সৃষ্টিশীল কাজ, চিন্তাভাবনা ও দর্শন বর্তমান বিশ্বেও প্রাসঙ্গিক। রবীন্দ্রনাথের আদর্শ ও দর্শন অনুসরণ করে উদার, অসাম্প্রদায়িক, মানবিক ও নৈতিক মূল্যবোধ সম্পন্ন মানুষ হিসেবে গড়ে ওঠার জন্য তিনি শিক্ষার্থীদের প্রতি আহ্বান জানান। নৈতিক মূল্যবোধ মানুষকে সত্যনিষ্ঠ হতে শেখায় উল্লেখ করে তিনি বলেন, মূল্যবোধ সম্পন্ন মানুষ কখনও তথ্যের

বিকৃতি ঘটান না এবং অপতথ্য দিয়ে মানুষকে বিভ্রান্ত করেন না। আলোচনা পর্ব শেষে ঢাকা বিশ্ববিদ্যালয় সংগীত বিভাগ এবং নৃত্যকলা বিভাগের শিক্ষার্থীরা মনোজ্ঞ সাংস্কৃতিক অনুষ্ঠান পরিবেশন করে।



জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন উপলক্ষে এক মতবিনিময় সভা গত ১৪ মে ২০১৯ ঢাকা বিশ্ববিদ্যালয় উপাচার্য কার্যালয় সংলগ্ন লাউঞ্জে অনুষ্ঠিত হয়েছে। ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান সভায় সভাপতিত্ব করেন।

## বঙ্গবন্ধুর জন্মশতবার্ষিকী উদ্‌যাপন উপলক্ষে মতবিনিময় সভা

জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন উপলক্ষে এক মতবিনিময় সভা গত ১৪ মে ২০১৯ ঢাকা বিশ্ববিদ্যালয় উপাচার্য কার্যালয় সংলগ্ন লাউঞ্জে অনুষ্ঠিত হয়েছে। ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান সভায় সভাপতিত্ব করেন। সভায় ঢাকা বিশ্ববিদ্যালয়ের প্রো-উপাচার্য (প্রশাসন) অধ্যাপক ড. মুহাম্মদ সামাদ, কোষাধ্যক্ষ অধ্যাপক ড. মো. কামাল উদ্দীন, বঙ্গবন্ধুর জন্মশতবার্ষিকী উদ্‌যাপন জাতীয় বাস্তবায়ন কমিটির প্রধান সমন্বয়ক ড. কামাল আব্দুল নাসের চৌধুরী, কলা অনুষদের ডিন অধ্যাপক ড. আবু মো. দেলোয়ার হোসেন, বিজ্ঞান অনুষদের ডিন অধ্যাপক ড. তোফায়েল আহমদ চৌধুরী, সামাজিক বিজ্ঞান অনুষদের ডিন অধ্যাপক ড. সাদেকা হালিম, ফার্মেসী অনুষদের ডিন অধ্যাপক ড. এস এম আব্দুর রহমান, আর্থ এন্ড এনভায়রনমেন্টাল সায়েন্সেস অনুষদের ডিন অধ্যাপক ড. এ এস এম মাকসুদ কামাল, চারুকলা অনুষদের ডিন অধ্যাপক নিসার হোসেন, ভারপ্রাপ্ত রেজিস্ট্রার মো. এনামউজ্জামান প্রমুখ উপস্থিত ছিলেন। সভায় জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন উপলক্ষে স্মারক গ্রন্থ ও জার্নাল প্রকাশ, চিত্র প্রদর্শনী, স্মারক বক্তৃতা ও আন্তর্জাতিক সম্মেলন আয়োজনসহ ঢাকা বিশ্ববিদ্যালয় গৃহীত বিভিন্ন কর্মসূচি নিয়ে আলোচনা করা হয়। বঙ্গবন্ধুর জন্মশতবার্ষিকী তাৎপর্যমণ্ডিত করার লক্ষ্যে জাতীয় সমন্বয় কমিটির কর্মসূচির সঙ্গে ঢাকা বিশ্ববিদ্যালয়ের কর্মসূচির সমন্বয় সাধনের ব্যাপারে সভায় মতবিনিময় করা হয়। উৎসবমুখর পরিবেশে এসব কর্মসূচি বাস্তবায়নের লক্ষ্যে একটি ক্যালেন্ডার প্রণয়ন এবং সেবা ও উন্নয়ন প্রকল্প গ্রহণ নিয়েও সভায় আলোচনা করা হয়।

## সুইডেনে শিক্ষা গ্রহণ বিষয়ক সেমিনার

সুইডেন অ্যালামনাই নেটওয়ার্ক ইন বাংলাদেশ এবং ঢাকাই সুইডেন দূতাবাসের যৌথ উদ্যোগে সুইডেনে শিক্ষা গ্রহণ বিষয়ক এক সেমিনার গত ১৩ মে ২০১৯ ঢাকা বিশ্ববিদ্যালয় উদ্ভিদবিজ্ঞান বিভাগের সেন্ট্রাল গ্যালারিতে অনুষ্ঠিত হয়। ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান প্রধান অতিথি হিসেবে উপস্থিত থেকে সেমিনার উদ্বোধন করেন। বাংলাদেশে নিযুক্ত সুইডেনের রাষ্ট্রদূত সালেটিা ব্লাইটার,

অধ্যাপক ড. মুহাম্মদ নূরুল ইসলাম, সুইডেন অ্যালামনাই নেটওয়ার্ক ইন বাংলাদেশ-এর চেয়ারম্যান অধ্যাপক ড. মুহাম্মদ জাবেদ হোসেন এবং রসায়ন বিভাগের অধ্যাপক ড. মোহাম্মদ শোয়েব অনুষ্ঠানে বক্তৃতা করেন। ঢাকাই সুইডেন দূতাবাসের কমিউনিকেশন অফিসার আলিম বারী মূল প্রবন্ধ উপস্থাপন করেন। উপাচার্য অধ্যাপক ড. মো. আখতারুজ্জামান মানব



ঢাকা বিশ্ববিদ্যালয় বিজ্ঞান অনুষদের ডিন অধ্যাপক ড. তোফায়েল আহমদ চৌধুরী, জীব বিজ্ঞান অনুষদের ডিন অধ্যাপক ড. মো. ইমদাদুল হক এবং উদ্ভিদবিজ্ঞান বিভাগের চেয়ারম্যান অধ্যাপক ড. রাখহরি সরকার অনুষ্ঠানে বিশেষ অতিথি হিসেবে বক্তব্য রাখেন। এছাড়া, ভূতত্ত্ব বিভাগের চেয়ারম্যান অধ্যাপক ড. কাজী মতিন উদ্দিন আহমেদ, উদ্ভিদবিজ্ঞান বিভাগের

সভ্যতার উন্নয়নের লক্ষ্যে ঢাকা বিশ্ববিদ্যালয় এবং সুইডেনের বিভিন্ন বিশ্ববিদ্যালয়ের মধ্যে যৌথ সহযোগিতামূলক গবেষণা কার্যক্রম চালুর ওপর গুরুত্বারোপ করেন। ঢাকা বিশ্ববিদ্যালয় শিক্ষার্থীদের সুইডেনে উচ্চশিক্ষা গ্রহণের ক্ষেত্রে এই সেমিনার কার্যকর ভূমিকা পালন করবে বলে তিনি আশা প্রকাশ করেন।



## ঢাবি সাংবাদিক সমিতির বার্ষিক সেমিনার, অভিষেক ও দায়িত্ব হস্তান্তর



ঢাকা বিশ্ববিদ্যালয় সাংবাদিক সমিতির বার্ষিক সেমিনার, নতুন কার্যনির্বাহী কমিটির অভিষেক ও দায়িত্ব হস্তান্তর অনুষ্ঠান গত ২৮ এপ্রিল ২০১৯ ছাত্র-শিক্ষক কেন্দ্র মিলনায়তনে অনুষ্ঠিত হয়েছে। এতে উপাচার্য অধ্যাপক ড. মো. আখতারুজ্জামান প্রধান অতিথি হিসেবে উপস্থিত ছিলেন। সেমিনারে ঢাকা বিশ্ববিদ্যালয় গণযোগাযোগ ও সাংবাদিকতা বিভাগের সহযোগী অধ্যাপক সাইফুল আলম চৌধুরী 'পেশাদারি সাংবাদিকতার প্রতিবন্ধকতা ও আগামী চ্যালেঞ্জ' শীর্ষক মূল প্রবন্ধ উপস্থাপন করেন। অনুষ্ঠানে অন্যান্যের মধ্যে বক্তব্য রাখেন জাতীয় প্রেস ক্লাবের সভাপতি সাইফুল আলম, বিশিষ্ট সাংবাদিক সৈয়দ ইশতিয়াক রেজা, বাংলাদেশ ছাত্রলীগের কেন্দ্রীয় সভাপতি রেজওয়ানুল হক চৌধুরী শোভন, ডাকসুর ভিপি মো. নুরুল হক নূর, জিএস গোলাম রব্বানী, এজিএস মো. সাদ্দাম হোসেন, ঢাকা বিশ্ববিদ্যালয় সাংবাদিক সমিতির বিদায়ী সভাপতি আসিফ তাসীম ও

সাধারণ সম্পাদক মাহমুদুল হাসান নয়ন, নব-নির্বাচিত সভাপতি রায়হানুল ইসলাম আবিব ও সাধারণ সম্পাদক মাহদী আল মুহতাসিম এবং বিভিন্ন ছাত্র সংগঠনের নেতৃবৃন্দ। প্রধান অতিথির বক্তব্যে উপাচার্য অধ্যাপক ড. মো. আখতারুজ্জামান বলেন, রাষ্ট্রের '৪র্থ স্তম্ভ' হিসেবে গণমাধ্যমের সাংবাদিকরা সত্য ও বস্তুনিষ্ঠ সংবাদ পরিবেশনের মাধ্যমে একটি সমৃদ্ধ দেশ গড়তে গুরুত্বপূর্ণ ভূমিকা পালন করে থাকেন। তিনি ঢাকা বিশ্ববিদ্যালয় সাংবাদিক সমিতির বিদায়ী ও নব-নির্বাচিত নেতৃবৃন্দকে আন্তরিক অভিনন্দন জানিয়ে বলেন, এই সংগঠনটি বিশ্ববিদ্যালয়ের ঐতিহ্য ও ভাবমূর্তি অক্ষুণ্ণ রাখতে সর্বদা সচেষ্ট রয়েছে। উপাচার্য মানবিক, উদারনৈতিক ও গণতান্ত্রিক মূল্যবোধে অনুপ্রাণিত হয়ে পেশাদারিত্ব বজায় রাখার জন্য সাংবাদিক সমিতির সকল সদস্যের প্রতি আহ্বান জানান।

## ঢাবি আন্তঃবিভাগ ক্রিকেট প্রতিযোগিতার পুরস্কার বিতরণ



ঢাকা বিশ্ববিদ্যালয় 'আন্তঃবিভাগ ক্রিকেট প্রতিযোগিতা ২০১৮-২০১৯'-এর পুরস্কার বিতরণী অনুষ্ঠান গত ২ মে ২০১৯ বিশ্ববিদ্যালয় কেন্দ্রীয় ক্রিকেট গ্রাউন্ডে অনুষ্ঠিত হয়েছে। বিশ্ববিদ্যালয়ের প্রো-ভাইস চ্যান্সেলর (প্রশাসন) অধ্যাপক ড. মুহাম্মদ সামাদ অনুষ্ঠানে প্রধান অতিথি হিসেবে উপস্থিত থেকে প্রতিযোগিতায় বিজয়ীদের মাঝে পুরস্কার বিতরণ করেন। এতে সভাপতিত্ব করেন আন্তঃবিভাগ

ক্রিকেট কমিটির সভাপতি অধ্যাপক ড. মো. হাসিবুর রশীদ। আন্তঃবিভাগ ক্রিকেট প্রতিযোগিতায় চ্যাম্পিয়ন হয়েছে শিক্ষা ও গবেষণা ইনস্টিটিউট এবং রানার আপ হয়েছে ফার্মেসী বিভাগ। তৃতীয় স্থান অধিকার করেছে সমাজকল্যাণ ও গবেষণা ইনস্টিটিউট। প্রতিযোগিতায় ম্যান অব দ্য ম্যাচ হয়েছেন জাহিদুর রহমান রনি।

## বঙ্গবন্ধু আন্তঃবিশ্ববিদ্যালয় স্পোর্টস চ্যাম্পস-এর ভলিবল প্রতিযোগিতায় ঢাবি চ্যাম্পিয়ন



বঙ্গবন্ধু আন্তঃবিশ্ববিদ্যালয় স্পোর্টস চ্যাম্পস-এর ভলিবল প্রতিযোগিতায় ঢাকা বিশ্ববিদ্যালয় ৩-০ সেটে ডেফোল্ড ইন্টারন্যাশনাল ইউনিভার্সিটিকে হারিয়ে চ্যাম্পিয়ন হয়েছে। গত ২৩ এপ্রিল ২০১৯ আমেরিকান ইন্টারন্যাশনাল ইউনিভার্সিটি মাঠে এই প্রতিযোগিতার ফাইনাল খেলা অনুষ্ঠিত হয়। ঢাকা বিশ্ববিদ্যালয় দলের আল

শাহরিয়ার মেহেদী সেরা খেলোয়াড় নির্বাচিত হন। টুর্নামেন্টের উপদেষ্টা কমিটির আহ্বায়ক নাহিম রাজ্জাক এমপি প্রধান অতিথি হিসেবে উপস্থিত থেকে বিজয়ীদের মাঝে পুরস্কার বিতরণ করেন। দেশের ৭০টি পাবলিক ও প্রাইভেট বিশ্ববিদ্যালয় এই প্রতিযোগিতায় অংশগ্রহণ করে।

## বাংলাদেশ পর্যটন শিল্পের উন্নয়ন: ব্যাংকিং ও আর্থিক প্রতিষ্ঠানের ভূমিকা' শীর্ষক সেমিনার

ঢাকা বিশ্ববিদ্যালয়ে 'বাংলাদেশ পর্যটন শিল্পের উন্নয়ন: ব্যাংকিং ও আর্থিক প্রতিষ্ঠানের ভূমিকা' শীর্ষক এক সেমিনার গত ২৮ এপ্রিল ২০১৯ বিশ্ববিদ্যালয়ের বিজনেস স্টাডিজ অনুষদের অধ্যাপক ড. মোহাম্মদ হাবিবুল্লাহ কনফারেন্স হলে অনুষ্ঠিত হয়েছে। অনুষ্ঠানে প্রধান অতিথি হিসেবে উপস্থিত ছিলেন বেসামরিক বিমান পরিবহন ও পর্যটন প্রতিমন্ত্রী মো. মাহবুব আলী, এমপি। ঢাকা বিশ্ববিদ্যালয় ট্যুরিজম এন্ড হসপিটালিটি ম্যানেজমেন্ট বিভাগ এই সেমিনারের আয়োজন করে।

বিভাগীয় চেয়ারম্যান ড. মোহাম্মদ বদরুজ্জামান উইয়ার সভাপতিত্বে অনুষ্ঠিত সেমিনারে বিশেষ অতিথি ছিলেন ঢাকা বিশ্ববিদ্যালয় বিজনেস স্টাডিজ অনুষদের ডিন অধ্যাপক শিবলী রুবাইয়াতুল ইসলাম এবং রূপালী ব্যাংক লিমিটেডের ব্যবস্থাপনা পরিচালক মো. আতাউর রহমান প্রধান। এতে মূল প্রবন্ধ উপস্থাপন করেন বিভাগীয় সহকারী অধ্যাপক মোহাম্মদ সোয়েব-উর রহমান। সেমিনারে সম্মানিত অতিথি হিসেবে বক্তব্য রাখেন বিভাগীয় অধ্যাপক ড. মো. আফজাল হোসেন এবং ইনভেস্টমেন্ট কর্পোরেশন অব বাংলাদেশ-এর চেয়ারম্যান অধ্যাপক ড. মজিব উদ্দিন আহমেদ।

প্রধান অতিথির ভাষণে বেসামরিক বিমান পরিবহন ও পর্যটন প্রতিমন্ত্রী মো. মাহবুব আলী, এমপি বলেন, পর্যটনের অপার সম্ভাবনার দেশ বাংলাদেশ। বাংলাদেশে দেশি-বিদেশি পর্যটকদের আকৃষ্ট করার বহু স্থান ও সুযোগ-সুবিধা আছে। এই শিল্পে ব্যাপক কর্মসংস্থানের সুযোগ রয়েছে। এই শিল্পের বিকাশে অবকাঠামো নির্মাণসহ তরুণ উদ্যোক্তাদের এগিয়ে আসতে হবে। এব্যাপারে ব্যাংক এবং আর্থিক প্রতিষ্ঠান গুরুত্বপূর্ণ ভূমিকা পালন করবে। দেশের অর্থনৈতিক উন্নয়নে এই পর্যটন শিল্পের প্রসারে ঢাকা বিশ্ববিদ্যালয় ট্যুরিজম এন্ড হসপিটালিটি ম্যানেজমেন্ট বিভাগের শিক্ষক-গবেষক ও শিক্ষার্থীরা কার্যকরী অবদান রাখবে বলে তিনি আশাবাদ ব্যক্ত করেন।

## বরণ্য সংগীতশিল্পী সুবীর নন্দী'র মৃত্যুতে উপাচার্যের শোক প্রকাশ

একুশে পদকপ্রাপ্ত বরণ্য সংগীতশিল্পী সুবীর নন্দী'র মৃত্যুতে ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান গভীর শোক প্রকাশ করেছেন। এক শোকবাণীতে উপাচার্য অধ্যাপক ড. মো. আখতারুজ্জামান বলেন, বাংলাদেশের আধুনিক বাংলা গানের জগতে একজন জনপ্রিয় ও খ্যাতিমান সংগীতশিল্পী ছিলেন সুবীর নন্দী। তিনি বেতার, টেলিভিশন ও চলচ্চিত্রে গেয়েছেন অসংখ্য জনপ্রিয় গান। তিনি একুশে পদক, জাতীয় চলচ্চিত্র পুরস্কারসহ অনেক পদক অর্জন করেন। সঙ্গীতে অসামান্য অবদানের জন্য দেশবাসীর কাছে তিনি স্মরণীয় হয়ে থাকবেন। উপাচার্য প্রয়াত সুবীর নন্দী'র আত্মার শান্তি কামনা করেন এবং তাঁর পরিবারের শোক-সন্তপ্ত সদস্যদের প্রতি গভীর সমবেদনা জ্ঞাপন করেন। উল্লেখ্য, সুবীর নন্দী গত ৭ মে ২০১৯ সিন্ধাপুরের একটি হাসপাতালে চিকিৎসাধীন অবস্থায় মৃত্যুবরণ করেন। তাঁর বয়স হয়েছিল ৬৫ বছর।



অবিভক্ত বাংলার মুখ্যমন্ত্রী ও মহান নেতা শেরে বাংলা আবুল কাশেম ফজলুল হকের ৫৭তম মৃত্যুবার্ষিকী উপলক্ষে ঢাকা বিশ্ববিদ্যালয়ের পক্ষ থেকে গত ২৭ এপ্রিল ২০১৯ শেরে বাংলা এ কে ফজলুল হকের মাজারে পুষ্পার্ঘ্য অর্পণ করেন ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান।



বাংলাদেশ ইতিহাস পরিষদের সভাপতি অধ্যাপক আবদুল মতিন সরকার-এর মৃত্যুতে এক স্মরণ সভা গত ৩ মে ২০১৯ ঢাকা বিশ্ববিদ্যালয় বিজনেস স্টাডিজ অনুষদ মিলনায়তনে অনুষ্ঠিত হয়। বাংলাদেশ ইতিহাস পরিষদ আয়োজিত এই অনুষ্ঠানে সভাপতিত্ব করেন ঢাকা বিশ্ববিদ্যালয় ইসলামের ইতিহাস ও সংস্কৃতি বিভাগের অধ্যাপক ড. মোহাম্মদ ইব্রাহিম। এতে বক্তব্য রাখেন বিশ্ববিদ্যালয়ের উপাচার্য অধ্যাপক ড. মো. আখতারুজ্জামান, সাবেক সচিব তাসমিনুর রহমান, প্রক্টর অধ্যাপক ড. এ কে এম গোলাম রব্বানী, প্রাক্তন অধ্যাপক নাজমা খান মজলিস, সহযোগী অধ্যাপক ড. মুররাত ফাতেমা ও মো. আবদুর রহিম।



গত ২৮ এপ্রিল ২০১৯ ঢাকা বিশ্ববিদ্যালয়ের বিজনেস স্টাডিজ অনুষদে অনুষ্ঠিত 'বাংলাদেশ পর্যটন শিল্পের উন্নয়ন: ব্যাংকিং ও আর্থিক প্রতিষ্ঠানের ভূমিকা' শীর্ষক সেমিনারে প্রধান অতিথি ছিলেন বেসামরিক বিমান পরিবহন ও পর্যটন প্রতিমন্ত্রী মো. মাহবুব আলী, এমপি। ট্যুরিজম এন্ড হসপিটালিটি ম্যানেজমেন্ট বিভাগ আয়োজিত এই সেমিনারে সভাপতিত্ব করেন বিভাগীয় চেয়ারম্যান ড. মোহাম্মদ বদরুজ্জামান উইয়া এবং বিশেষ অতিথি ছিলেন বিজনেস স্টাডিজ অনুষদের ডিন অধ্যাপক শিবলী রুবাইয়াতুল ইসলাম।



বিভিন্ন আয়োজনের মধ্য দিয়ে ঢাকা বিশ্ববিদ্যালয় ক্রিমিনোলজি বিভাগের ৭ম প্রতিষ্ঠা বার্ষিকী উদযাপন করা হয়েছে। বিশ্ববিদ্যালয়ের উপাচার্য অধ্যাপক ড. মো. আখতারুজ্জামান প্রধান অতিথি হিসেবে উপস্থিত থেকে গত ৩০ এপ্রিল ২০১৯ কেক কেটে ও বেদন উড়িয়ে এই প্রতিষ্ঠা বার্ষিকীর অনুষ্ঠান উদ্বোধন করেন। পরে উপাচার্যের নেতৃত্বে ক্যাম্পাসে একটি আনন্দ র্যালী বের করা হয়। এসময় ক্রিমিনোলজি বিভাগের চেয়ারম্যান অধ্যাপক ড. জিয়া রহমান এবং বিভাগীয় শিক্ষক-শিক্ষার্থীবৃন্দ উপস্থিত ছিলেন।



ঢাকা বিশ্ববিদ্যালয় অমর একুশে হল অ্যালামনাই এসোসিয়েশনের ২য় পুনর্মিলনী গত ৩ মে ২০১৯ হল প্রাঙ্গণে অনুষ্ঠিত হয়। দিনব্যাপী এই অনুষ্ঠানের উদ্বোধন করেন বিশ্ববিদ্যালয়ের উপাচার্য অধ্যাপক ড. মো. আখতারুজ্জামান। অনুষ্ঠানে প্রধান অতিথি ছিলেন পানি সম্পদ উপমন্ত্রী এ কে এম এনামুল হক শামীম। অমর একুশে হল অ্যালামনাই এসোসিয়েশনের সভাপতি এইচ এম বদিউজ্জামান সোহাগের সভাপতিত্বে অনুষ্ঠিত উদ্বোধনী অনুষ্ঠানে বিশেষ অতিথি ছিলেন হল প্রভোস্ট অধ্যাপক ড. মো. আনোয়ারুল ইসলাম এবং স্বাগত বক্তব্য দেন এসোসিয়েশনের সাধারণ সম্পাদক ড. মো. মোস্তাফিজুর রহমান।



ঢাকা বিশ্ববিদ্যালয় শিক্ষা ও গবেষণা ইনস্টিটিউটের 'ডিজিটালিটি, অর্জিত এন্ড ইনক্লুসিভ এডুকেশন' শীর্ষক অ্যাডভান্সড কোর্সের তৃতীয় ব্যাচের উদ্বোধন এবং ২য় ব্যাচের সমাপনী অনুষ্ঠান গত ১০ মে ২০১৯ ইনস্টিটিউটের মিলনায়তনে অনুষ্ঠিত হয়। এতে প্রধান অতিথি হিসেবে উপস্থিত ছিলেন বিশ্ববিদ্যালয়ের উপাচার্য অধ্যাপক ড. মো. আখতারুজ্জামান। অনুষ্ঠানে সভাপতিত্ব করেন ইনস্টিটিউটের পরিচালক অধ্যাপক সৈয়দা তাহমিনা আখতার।



## উপাচার্যের সাথে চীনা প্রতিনিধিদলের সাক্ষাৎ



চীনের ইউনান প্রাদেশিক কমিটির ভাইস-চেয়ারম্যান হুয়াং ই-এর নেতৃত্বে ১৪-সদস্য বিশিষ্ট একটি প্রতিনিধিদল গত ৩০ এপ্রিল ২০১৯ উপাচার্য অধ্যাপক ড. মো. আখতারুজ্জামানের সঙ্গে তাঁর

কার্যালয়ে সাক্ষাৎ করেছে। এসময় অন্যদের মধ্যে ঢাকা বিশ্ববিদ্যালয় আধুনিক ভাষা ইনস্টিটিউটের পরিচালক অধ্যাপক ড. শিশির ভট্টাচার্য্য ও কনফুসিয়াস ইনস্টিটিউটের পরিচালক ড.

জেউ মিংডং উপস্থিত ছিলেন। সাক্ষাৎকালে তারা ঢাকা বিশ্ববিদ্যালয় এবং ইউনান বিশ্ববিদ্যালয়সহ চীনের বিভিন্ন বিশ্ববিদ্যালয়ের মধ্যে চলমান যৌথ শিক্ষা ও গবেষণা কার্যক্রম আরও গতিশীল করার বিষয়ে আলোচনা করেন। প্রতিনিধিদলের প্রধান চীনের বিভিন্ন বিশ্ববিদ্যালয়ে বাংলা ভাষা কোর্স পড়ানোর লক্ষ্যে ঢাকা বিশ্ববিদ্যালয় থেকে শিক্ষক প্রেরণের ব্যাপারে উপাচার্যের সহযোগিতা চান। উপাচার্য এক্ষেত্রে সম্ভাব্য সকল সহযোগিতার আশ্বাস দেন। প্রতিনিধিদলের সদস্যরা চীনে উচ্চশিক্ষার জন্য ঢাকা বিশ্ববিদ্যালয়ের শিক্ষক ও শিক্ষার্থীদের বৃত্তি প্রদানে আগ্রহ প্রকাশ করেন। উপাচার্য ঢাকা বিশ্ববিদ্যালয়ে আসা এবং এর শিক্ষা ও গবেষণা কার্যক্রমের প্রতি গভীর আগ্রহ প্রকাশের জন্য চীনা প্রতিনিধিদলকে ধন্যবাদ জানান।

## ঢাবি এবং বিআইএমআরএডি'র মধ্যে সমঝোতা স্মারক স্বাক্ষরিত



সমুদ্রবিজ্ঞান বিষয়ক শিক্ষা, প্রশিক্ষণ ও গবেষণার উন্নয়ন এবং সামুদ্রিক সম্পদ ও পরিবেশ রক্ষার লক্ষ্যে ঢাকা বিশ্ববিদ্যালয় এবং বাংলাদেশ ইনস্টিটিউট অব মেরিটাইম রিসার্চ এন্ড ডেভেলপমেন্ট (বিআইএমআরএডি)-এর মধ্যে গত ৫ মে ২০১৯ এক সমঝোতা স্মারক স্বাক্ষরিত হয়েছে। ঢাকা বিশ্ববিদ্যালয়ের কোষাধ্যক্ষ অধ্যাপক ড. মো. কামাল উদ্দীন এবং বিআইএমআরএডি'র মহাপরিচালক কমেডর কাজী এমদাদুল হক বিএন (অব:) নিজ নিজ প্রতিষ্ঠানের পক্ষে এই সমঝোতা স্মারকে স্বাক্ষর করেন। উপাচার্য লাউঞ্জে আয়োজিত এই চুক্তি স্বাক্ষর অনুষ্ঠানে ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান, বিজনেস স্টাডিজ অনুষদের ডিন অধ্যাপক শিবলী রুবাইয়াতুল ইসলাম, সামাজিক বিজ্ঞান অনুষদের ডিন অধ্যাপক ড. সাদেকা হালিম, আর্থ এন্ড এনভায়রনমেন্টাল সায়েন্সেস অনুষদের ডিন অধ্যাপক ড. এ এসএম মাকসুদ কামাল, সমুদ্রবিজ্ঞান বিভাগের চেয়ারম্যান মো. জোবায়ের আলম,

আন্তর্জাতিক সম্পর্ক বিভাগের অধ্যাপক ড. ইমতিয়াজ আহমেদ, ভারপ্রাপ্ত রেজিস্ট্রার মো. এনামউজ্জামান এবং বিআইএমআরএডি'র উর্ধ্বতন কর্মকর্তাগণ উপস্থিত ছিলেন। এই সমঝোতা স্মারক অনুযায়ী, দেশের সমুদ্রবিজ্ঞান বিষয়ক গবেষণা আরও গতিশীল করার লক্ষ্যে ঢাকা বিশ্ববিদ্যালয় এবং বিআইএমআরএডি তথ্য-উপকরণ বিনিময় করবে। এছাড়া, তারা সমুদ্রবিজ্ঞান বিষয়ে যৌথভাবে গবেষণা কার্যক্রম পরিচালনা এবং সেমিনার, সিম্পোজিয়াম, সম্মেলন, কর্মশালা ও প্রশিক্ষণ কর্মসূচির আয়োজন করবে। বাংলাদেশের সামুদ্রিক খাতের উন্নয়ন এবং এ বিষয়ে কর্ম পরিকল্পনা প্রণয়নের ক্ষেত্রেও তারা একযোগে কাজ করবে। উপাচার্য অধ্যাপক ড. মো. আখতারুজ্জামান চুক্তি স্বাক্ষরের জন্য বিআইএমআরএডি কর্তৃপক্ষকে ধন্যবাদ জানান। এই উদ্যোগের মাধ্যমে জাতি অনেক উপকৃত হবে বলেও তিনি আশা প্রকাশ করেন।

## শিক্ষা প্রকল্প ও উন্নয়ন গবেষণা ফাউন্ডেশনের উদ্যোগে সেমিনার



শিক্ষা প্রকল্প ও উন্নয়ন গবেষণা ফাউন্ডেশন (ফ্রেপড)-এর উদ্যোগে গত ২৭ এপ্রিল ২০১৯ ফ্রেপড ভবনের সেমিনার কক্ষে ৭ জন গবেষকের প্রাণ্ড ফলাফলের উপর এক সেমিনার অনুষ্ঠিত হয়েছে। সেমিনারে প্রধান অতিথি হিসেবে উপস্থিত ছিলেন ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান। অধ্যাপক ড. এ এইচ এম হাবিবুর রহমানের সভাপতিত্বে অনুষ্ঠানে স্বাগত বক্তব্য রাখেন অধ্যাপক কাজী সালেহ আহমেদ। সেমিনারে বিভিন্ন বিশ্ববিদ্যালয়ের ৭ জন গবেষকের গবেষণার ফলাফল উপস্থাপন

করা হয়। গবেষকরা হলেন- ঢাকা বিশ্ববিদ্যালয় শিক্ষা ও গবেষণা ইনস্টিটিউটের শিক্ষক সাকিব আহমেদ চৌধুরী (তাঁর দুটি গবেষণা প্রবন্ধ), ব্র্যাক বিশ্ববিদ্যালয়ের শিক্ষক ড. জাহিদুল কাইয়ুম, জগন্নাথ বিশ্ববিদ্যালয় শিক্ষা ও গবেষণা ইনস্টিটিউটের শিক্ষক শিল্পী রানী সাহা, ফ্রেপড-এর গবেষক মো. নজরুল ইসলাম খান, ফরিদপুর জেলার বোয়ালমারি সরকারী কলেজের শিক্ষক ড. মো. আব্দুল কাইয়ুম এবং ঢাকা বিশ্ববিদ্যালয় তথ্যবিজ্ঞান ও গ্রন্থাগার ব্যবস্থাপনা বিভাগের অধ্যাপক ড. মুহাম্মদ মেজবাহ-উল- ইসলাম।

## ঢাবি থেকে ২৪জন গবেষকের পিএইচ.ডি. এবং ৮জনের এম.ফিল. ডিগ্রি লাভ

(১ম পৃষ্ঠার পর) মারজাহান আক্তার, অণুজীব বিজ্ঞান বিভাগের অধীনে মুকীতু নাহার, ফার্মাসিউটিক্যাল টেকনোলজী বিভাগের অধীনে শরীফা সুলতানা, মার্কেটিং বিভাগের অধীনে সৈয়দ এজাজ আহসান, স্নাতকোত্তর চিকিৎসা বিজ্ঞান ও গবেষণা অনুষদের অধীনে বায়জীদ খুরশীদ রিয়াজ, সমাজকল্যাণ ও গবেষণা ইনস্টিটিউটের অধীনে মো. আশরাফুল আলম, আবু জাফর মোহাম্মদ সাদেক, স্বাস্থ্য অর্থনীতি ইনস্টিটিউটের অধীনে শারমিন মবিন ভূঁইয়া, ইনস্টিটিউট অব ডিজাস্টার ম্যানেজমেন্ট এন্ড ভালনারেবিলিটি স্টাডিজের অধীনে মো. শফিকুল ইসলাম। এম.ফিল. ডিগ্রি প্রাপ্তরা হলেন: আরবী বিভাগের অধীনে মোহাম্মদ আলমগীর হোসেন, ফারসি ভাষা ও সাহিত্য বিভাগের অধীনে আবদুর রাজ্জাক মিয়া, সংগীত বিভাগের অধীনে সোহেল রায়হান মোহাম্মদ তারেক, উদ্ভিদ বিজ্ঞান বিভাগের অধীনে জান্নাতুল ফেরদৌস, প্রাণিবিদ্যা বিভাগের অধীনে লিটন চন্দ্র সূত্র ধর, সমাজবিজ্ঞান বিভাগের অধীনে সফিক মোহাম্মদ আওলাদ হোসেন, তাহমিনা আক্তার এবং আব্দুল মোমেন মিয়া।

## “জি. সি. দেবের ‘এক-বিশ্ব’ চিন্তা” শীর্ষক দেব স্মারক বক্তৃতা



ঢাকা বিশ্ববিদ্যালয় গোবিন্দ দেব দর্শন গবেষণা কেন্দ্রের উদ্যোগে দেব স্মারক বক্তৃতা-২০১৮ গত ১৭ এপ্রিল ২০১৯ বিশ্ববিদ্যালয়ের রমেশ চন্দ্র মজুমদার আর্টস মিলনায়তনে অনুষ্ঠিত হয়েছে। বিশ্ববিদ্যালয়ের উপাচার্য অধ্যাপক ড. মো. আখতারুজ্জামান অনুষ্ঠানে প্রধান অতিথি হিসেবে উপস্থিত ছিলেন। দর্শন বিভাগের অধ্যাপক ড. নীরু কুমার চাকমার সভাপতিত্বে “জি. সি. দেবের ‘এক-বিশ্ব’ চিন্তা” শীর্ষক বক্তৃতা প্রদান করেন দর্শন বিভাগের অধ্যাপক ড. প্রদীপ কুমার রায়। গোবিন্দ দেব দর্শন গবেষণা কেন্দ্রের পরিচালক অধ্যাপক ড. মো. সাজাহান মিয়া অনুষ্ঠান সঞ্চালনা করেন। এতে বিভাগীয় শিক্ষক-শিক্ষার্থীরা অংশগ্রহণ করেন। উপাচার্য অধ্যাপক ড. মো. আখতারুজ্জামান ১৯৭১ এর ২৫ মার্চ কালরাতে গোবিন্দ দেববাহ সকল শহীদদের স্মৃতির প্রতি গভীর শ্রদ্ধা জ্ঞাপন করে বলেন, গোবিন্দ দেব

একজন মানবতাবাদী ও সমন্বয়বাদী দার্শনিক ছিলেন। বিশ্বের সকল দার্শনিকরা যেমন মানুষের মঙ্গলের জন্য ভাবেন এবং দিক নির্দেশনা দেন, তেমন বিদগ্ধ দার্শনিক অধ্যাপক ড. গোবিন্দ চন্দ্র দেবও মানব জগতের কল্যাণের জন্য দর্শন চর্চা করেছেন। তাঁর দার্শনিক মতবাদ ও ভাবনায় উদারনৈতিক ও মানবিক মূল্যবোধের বহিঃপ্রকাশ ঘটেছে। সর্ববিস্তার মূল্যবোধকে ধারণ করে জীবনকে সার্থক ও সুন্দর করে তোলাই ছিল তাঁর জীবন দর্শনের মূলকথা। অধ্যাপক ড. প্রদীপ কুমার রায় তাঁর স্মারক বক্তৃতায় আশা প্রকাশ করে বলেন, জি.সি. দেবের কাঙ্ক্ষিত প্রেম-প্রীতি, ভালবাসা, শ্রদ্ধা, সৌহার্দ্য, অসাম্প্রদায়িকতা ও মানবতাবাদী আদর্শ দ্বারা মানুষের জীবন পরিপূর্ণ হোক- বিশ্বে হিংসা, বিদ্বেষ, দ্বন্দ্ব-সংঘাত-অসহিষ্ণুতা এবং যুদ্ধের পরিবর্তে শান্তি-শৃঙ্খলা-সহযোগিতা-সহমর্মিতা-পরমতসহিষ্ণুতা প্রতিষ্ঠিত হোক।

## জগন্নাথ হলে সংস্কারকৃত প্রাধ্যক্ষ কার্যালয় ও গ্রন্থাগার উদ্বোধন



ঢাকা বিশ্ববিদ্যালয় জগন্নাথ হলের সংস্কারকৃত প্রাধ্যক্ষ কার্যালয় ও শহীদ অধ্যাপক অনুদ্বৈপায়ন ভট্টাচার্য স্মৃতি গ্রন্থাগার গত ২৪ এপ্রিল ২০১৯ উদ্বোধন করা হয়েছে। বিশ্ববিদ্যালয়ের উপাচার্য অধ্যাপক ড. মো. আখতারুজ্জামান এই সবেব আনুষ্ঠানিক উদ্বোধন করেন। অনুষ্ঠানে প্রধান অতিথি হিসেবে উপস্থিত ছিলেন ঢাকা ভারতীয় হাই কমিশনার রীতা গান্ধুলী দাশ। এসময় অন্যান্যের মধ্যে উপস্থিত ছিলেন জগন্নাথ হলের প্রাধ্যক্ষ অধ্যাপক ড. অসীম সরকার, স্যার পি জে হার্টগ ইন্টারন্যাশনাল হলের প্রাধ্যক্ষ ড. মো. মহিউদ্দিন, ছাত্র-শিক্ষক কেন্দ্রের উপদেষ্টা অধ্যাপক ড. সৌমিত্র শেখর, ভারতীয় হাই কমিশনের ফাস্ট সেক্রেটারি শ্রী জিষ্ণু মুখার্জী ও মিনিস্টার ড. নীতিশ বিরডী, জগন্নাথ হল অ্যালামনাই এসোসিয়েশনের সভাপতি স্বপন কুমার সাহা ও সাধারণ সম্পাদক মলয় সাহা। উল্লেখ্য, ভারতীয় হাই কমিশনের অর্থায়নে এসকল সংস্কার কাজ সম্পাদন হয়। উদ্বোধনী বক্তব্যে উপাচার্য অধ্যাপক ড. মো. আখতারুজ্জামান সংস্কার কাজের অর্থায়নের জন্য ভারত সরকার ও ভারতীয়

হাই কমিশনের প্রতি গভীর কৃতজ্ঞতা প্রকাশ করেন। তিনি বলেন, ভারতের এই সহযোগিতা শিক্ষার্থীদের মধ্যে সুফল বয়ে আনবে। সংস্কারকৃত এই গ্রন্থাগারটি লেখাপড়া ও জ্ঞান অর্জনের মাধ্যমে শিক্ষার্থীদের সুযোগ্য মানুষ হিসেবে গড়ে উঠতে গুরুত্বপূর্ণ ভূমিকা রাখবে। উপাচার্য মহান মুক্তিযুদ্ধের সময় ভারতের সহায়তার প্রশংসা করে বলেন, বাংলাদেশে বিশেষ করে ঢাকা বিশ্ববিদ্যালয়ে ভারতের বিভিন্ন সাহায্য-সহযোগিতার এই ধারা আগামীতেও অব্যাহত থাকবে এবং দুই দেশের বিরাজমান বন্ধুত্বপূর্ণ সম্পর্ক আরও মজবুত হবে। প্রধান অতিথির বক্তব্যে ভারতীয় হাই কমিশনার রীতা গান্ধুলী দাশ বলেন, বাংলাদেশ ও ভারতের মধ্যে সুদীর্ঘকাল ধরে অত্যন্ত চমৎকার ও মধুর সম্পর্ক বিরাজ করছে। বিরাজমান এই সুসম্পর্কের ধারা সবসময় অব্যাহত থাকবে এবং বাংলাদেশের উন্নয়ন ও অগ্রগতিতে ভারত সবসময় পাশে থাকবে। তিনি ঢাকা বিশ্ববিদ্যালয়ের শিক্ষার্থীদের বিভিন্ন সুযোগ সুবিধা প্রদানেরও আশ্বাস প্রদান করেন।

## বিতর্ক প্রতিযোগিতা

ঢাকা ইউনিভার্সিটি ডিভেটিং সোসাইটি (ডিইউডিএস) এবং পরিবার পরিকল্পনা অধিদপ্তরের যৌথ উদ্যোগে “জনসংখ্যা, মা ও শিশু স্বাস্থ্য উন্নয়ন” বিষয়ক বিতর্ক প্রতিযোগিতায় রাজশাহী গভর্নমেন্ট ল্যাবরেটরি স্কুল চ্যাম্পিয়ন এবং খুলনা সরকারি করোনেশন মাধ্যমিক বিদ্যালয় রানার আপ হয়েছে। এতে শ্রেষ্ঠ বক্তা নির্বাচিত হয়েছেন খুলনা সরকারি করোনেশন মাধ্যমিক বিদ্যালয়ের বিতর্কিক তানজীম তাসনিম। ঢাকা বিশ্ববিদ্যালয়ের প্রো-ভাইস চ্যান্সেলর (প্রশাসন) অধ্যাপক ড. মুহাম্মদ সামাদ গত ৬ মে ২০১৯ ছাত্র-শিক্ষক কেন্দ্র মিলনায়তনে এক অনুষ্ঠানে প্রধান অতিথি হিসেবে উপস্থিত থেকে বিজয়ীদের মাঝে পুরস্কার বিতরণ করেন। পরিবার পরিকল্পনা অধিদপ্তরের অতিরিক্ত সচিব আব্দুল মালেকের সভাপতিত্বে এতে বিশেষ অতিথি হিসেবে উপস্থিত ছিলেন ডিইউডিএস-এর মডারেটর অধ্যাপক ড. মাহবুবা নাসরীন, পরিবার পরিকল্পনা অধিদপ্তরের যুগ্ম সচিব ড. আশরাফুল্লাহ এবং পাথফাইন্ডার ইন্টারন্যাশনালের ফ্যামিলি প্ল্যানিং স্পেশালিস্ট মো. মাহবুব-উল-আলম। অনুষ্ঠানে শুভেচ্ছা বক্তব্য রাখেন ডাকসুর সাহিত্য সম্পাদক মাজহারুল কবির শয়ন এবং স্বাগত বক্তব্য রাখেন ডিইউডিএস-এর সভাপতি এস এম রাকিব সিরাজী। প্রো-ভাইস চ্যান্সেলর (প্রশাসন) অধ্যাপক ড. মুহাম্মদ সামাদ বিজয়ীদের অভিনন্দন জানান। বিতর্ক চর্চার প্রয়োজনীয়তার উপর গুরুত্বারোপ করে তিনি বলেন, বিতর্ক চর্চার মাধ্যমেই যে কোন বিষয়ে সঠিক সিদ্ধান্ত নেয়া সম্ভব। শিক্ষার্থীদের জ্ঞান অর্জনের ক্ষেত্রে বিতর্ক চর্চা বড় ভূমিকা পালন করবে বলে তিনি আশাবাদ ব্যক্ত করেন।



ঢাকা বিশ্ববিদ্যালয়ের প্রো-ভাইস চ্যান্সেলর (প্রশাসন) অধ্যাপক ড. মুহাম্মদ সামাদ গত ৬ মে ২০১৯ ছাত্র-শিক্ষক কেন্দ্র মিলনায়তনে এক অনুষ্ঠানে প্রধান অতিথি হিসেবে উপস্থিত থেকে ঢাকা ইউনিভার্সিটি ডিভেটিং সোসাইটি (ডিইউডিএস) এবং পরিবার পরিকল্পনা অধিদপ্তর আয়োজিত জনসংখ্যা, মা ও শিশু স্বাস্থ্য উন্নয়ন বিষয়ক বিতর্ক প্রতিযোগিতায় বিজয়ীদের মাঝে পুরস্কার বিতরণ করেন। ছবিতে অতিথিবৃন্দের সাথে পুরস্কারপ্রাপ্তদের দেখা যাচ্ছে।



## ৫ শিক্ষার্থীর শহীদ শেখ রাসেল স্মৃতি বৃত্তি লাভ



পড়ালেখায় অসাধারণ সাফল্যের জন্য ইউনিভার্সিটি ল্যাবরেটরি স্কুল এন্ড কলেজের ৫ জন শিক্ষার্থী 'শহীদ শেখ রাসেল স্মৃতি বৃত্তি' লাভ করেছে। গত ২ মে ২০১৯ স্কুল মিলনায়তনে এক অনুষ্ঠানে প্রধান অতিথি হিসেবে উপস্থিত থেকে ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান শিক্ষার্থীদের হাতে বৃত্তির চেক তুলে দেন।

ইউনিভার্সিটি ল্যাবরেটরি স্কুল এন্ড কলেজের ভারপ্রাপ্ত প্রিন্সিপাল মিসেস সেলিনা বানুর সভাপতিত্বে অনুষ্ঠানে শিক্ষা ও গবেষণা ইনস্টিটিউটের পরিচালক অধ্যাপক সৈয়দা তাহমিনা আখতার এবং ইউনিভার্সিটি ল্যাবরেটরি এক্স স্টুডেন্টস এসোসিয়েশন (ইউএলএস)-এর সভাপতি নাসিম আহমেদ খান বিশেষ অতিথি হিসেবে বক্তব্য রাখেন। ইউনিভার্সিটি ল্যাবরেটরি স্কুল এন্ড কলেজের ভাইস প্রিন্সিপাল মিসেস

সেলিনা আক্তার স্বাগত বক্তব্য দেন। উপাচার্য অধ্যাপক ড. মো. আখতারুজ্জামান শহীদ শেখ রাসেলের স্মৃতির প্রতি গভীর শ্রদ্ধা নিবেদন করেন। তিনি বলেন, শেখ রাসেল ইউনিভার্সিটি ল্যাবরেটরি স্কুল এন্ড কলেজে ৪র্থ শ্রেণিতে পড়াকালীন ১৯৭৫ সালের ১৫ আগস্ট বঙ্গবন্ধু ও পরিবারের অন্য সদস্যদের সঙ্গে নির্মমভাবে নিহত হন। তিনি অত্যন্ত বিনয়ী ও প্রাণবন্ত ছিলেন। তিনি সর্বদা শৃঙ্খলা ও নিয়মানুবর্তিতা মেনে চলতেন এবং সবার সঙ্গে সজাব বজায় রাখতেন। শেখ রাসেলের আদর্শ অনুসরণ করে নৈতিক মূল্যবোধে উদ্বুদ্ধ হওয়ার জন্য তিনি শিক্ষার্থীদের প্রতি আহ্বান জানান। বৃত্তিপ্রাপ্ত শিক্ষার্থীরা হলো- নাকিসা আক্তার তুলি, আরাফাত ভূঁইয়া, মো. সিয়াম ইসলাম, সানজান সাহা এবং মো. ফিহাজ আলম।

## মৈত্রী হলে স্বর্ণপদক ও বৃত্তি প্রদান এবং স্মারক বক্তৃতা

ঢাকা বিশ্ববিদ্যালয় বাংলাদেশ কয়েত মৈত্রী হলের ২৮তম "সাহিত্য ও সাংস্কৃতিক প্রতিযোগিতার পুরস্কার বিতরণী এবং মৈত্রী ফাউন্ডেশনের স্বর্ণপদক, বৃত্তি প্রদান ও স্মারক বক্তৃতা-২০১৭,২০১৮" অনুষ্ঠান গত ৪ মে ২০১৯ হল মিলনায়তনে অনুষ্ঠিত হয়েছে। বিশ্ববিদ্যালয়ের উপাচার্য ও মৈত্রী ফাউন্ডেশনের সভাপতি অধ্যাপক ড. মো. আখতারুজ্জামান অনুষ্ঠানে প্রধান অতিথি হিসেবে উপস্থিত থেকে বিজয়ী ছাত্রীদের মাঝে স্বর্ণপদক, সার্টিফিকেট, ক্রেস্ট ও বৃত্তির চেক তুলে দেন।

এতে বিশেষ অতিথি হিসেবে উপস্থিত ছিলেন প্রো-ভাইস চ্যান্সেলর (প্রশাসন) অধ্যাপক ড. মুহাম্মদ সামাদ। বাংলাদেশ কয়েত মৈত্রী হলের প্রাধ্যক্ষ অধ্যাপক ড. মাহবুবা নাসরীনের সভাপতিত্বে অনুষ্ঠানে স্মারক বক্তৃতা প্রদান করেন বিশিষ্ট কথাসাহিত্যিক ও ঔপন্যাসিক সেলিনা হোসেন। স্বাগত বক্তব্য রাখেন হলের আবাসিক শিক্ষক মনিরা পারভীন।

পথেই তারা নিজের বিবেক দ্বারা পরিচালিত হয়েছে। ২০১৭ শিক্ষাবর্ষে মৈত্রী ফাউন্ডেশনের স্বর্ণপদক পেয়েছেন ট্যারিজম এন্ড হসপিটালিটি ম্যানেজমেন্ট বিভাগের শিলামনী হাফসা। মেধাবৃত্তি পেয়েছেন- উমে হানিয়া (একাউন্টিং এন্ড ইনফরমেশন সিস্টেমস), ইসমত আরা (ভূগোল ও পরিবেশ), রিয়ান বিনতে কামাল (একাউন্টিং এন্ড ইনফরমেশন সিস্টেমস) ও তানজিলা ইসলাম (সমাজকল্যাণ ইনস্টিটিউট)। সাধারণ বৃত্তি পেয়েছেন- সাবিনা (উর্দু) এবং রুমা আক্তার (বাংলা)। এককালীন বই সাহায্য পেয়েছেন ভাষাবিজ্ঞান বিভাগের জাকিয়া জাহান এ্যানি। এছাড়া, বার্ষিক সাহিত্য প্রতিযোগিতায় চ্যাম্পিয়ন হয়েছেন নাইমা নওরিন (ইতিহাস) এবং রানার আপ হয়েছেন জান্নাতুল ফেরদৌস লিজা (ইংরেজি)। সাংস্কৃতিক প্রতিযোগিতায় চ্যাম্পিয়ন হয়েছেন পায়েল ব্যানার্জী (বাংলা) এবং রানার আপ হয়েছেন তামমিন জাহান অর্পা (শান্তি ও সংঘর্ষ অধ্যয়ন)।



উপাচার্য অধ্যাপক ড. মো. আখতারুজ্জামান বলেন, টেকসই উন্নয়নের বড় চ্যালেঞ্জ হচ্ছে ২০৩০ সালের মধ্যে সমাজে নারী ও পুরুষের সমান অবস্থান নিশ্চিত করা। আমরা যদি সমাজে নারী-পুরুষের সমতা না আনতে পারি তাহলে টেকসই উন্নয়ন লক্ষ্যমাত্রা কখনোই অর্জন করা সম্ভব হবে না। মহীয়সী নারী বেগম রোকেয়ার কথা উল্লেখ করে উপাচার্য বলেন, বেগম রোকেয়া যুক্তির আলোকে বস্তুনিষ্ঠভাবে সমাজের অসঙ্গতিগুলো শান্তিপূর্ণভাবে তুলে ধরতেন, তোমাদেরও তাঁর মতো করে যুক্তির আলোকে সমাজকে এগিয়ে নিয়ে যেতে হবে।

বিশিষ্ট কথাসাহিত্যিক সেলিনা হোসেন "নারীর প্রজ্ঞা" শীর্ষক স্মারক বক্তৃতায় ইতিহাসের ধারাবাহিকতায় সমাজের বিভিন্ন সময়ে নারীর অবস্থান, সংগ্রাম ও অবদান সম্পর্কে বিশদভাবে আলোচনা করেছেন। তিনি বলেন, নারীরা তাদের জীবনের সবটুকু ত্যাগ করে হলেও নিজেদের জায়গা তৈরি করতে আজীবন সংগ্রাম করে যাচ্ছে। ইহজীবনকে কেন্দ্র করে সুন্দর জীবনের স্বপ্ন নারীকে তাড়িত করে বলে স্বার্থপরের মতো ব্যক্তিগত সুখচিন্তায় নারী তার মানবিক ধারণাকে বদলাতে চায়নি। সঠিক

২০১৮ শিক্ষাবর্ষে মৈত্রী ফাউন্ডেশনের স্বর্ণপদক পেয়েছেন পপুলেশন সায়েন্সেস বিভাগের সাদিয়া আফরিন। মেধাবৃত্তি পেয়েছেন- সানজিদা তাবাসুম (শিক্ষা ও গবেষণা ইনস্টিটিউট), তানভি জাহান চৈতি (ভূগোল ও পরিবেশ), খুজিতা রুবায়েয়াত (ইসলামের ইতিহাস ও সংস্কৃতি) ও ছুরাইয়া আক্তার (ইইমেন এন্ড জেন্ডার স্টাডিজ)। সাধারণ বৃত্তি পেয়েছেন- নাছিমা খাতুন (রাষ্ট্রবিজ্ঞান) এবং সানজিদা ইমু (দর্শন)। এককালীন বই সাহায্য পেয়েছেন একাউন্টিং এন্ড ইনফরমেশন সিস্টেমস বিভাগের শাকিলা আক্তার ও ডিজাস্টার ম্যানেজমেন্ট এন্ড ভালনারেবিলিটি বিভাগের মোছা. আয়সা সিদ্দিকা। এছাড়া, বার্ষিক সাহিত্য প্রতিযোগিতায় চ্যাম্পিয়ন হয়েছেন জান্নাতুল ফেরদৌস লিজা (ইংরেজি) এবং রানার আপ হয়েছেন সুমাইয়া আক্তার (ইংরেজি)। সাংস্কৃতিক প্রতিযোগিতায় চ্যাম্পিয়ন হয়েছেন তামমিন জাহান অর্পা (শান্তি ও সংঘর্ষ অধ্যয়ন) এবং রানার আপ হয়েছেন পায়েল ব্যানার্জী (বাংলা)। এছাড়া, ৫০তম আন্তর্জাতিক এ্যাথলেটিকস্ প্রতিযোগিতায় চ্যাম্পিয়ন হয়েছেন আছিয়া আক্তার।

## ৫০ জন ছাত্রকে বৃত্তি প্রদান সূর্য সেন হলে সূর্য সেনের মুরাল উদ্বোধন

ঢাকা বিশ্ববিদ্যালয় মাস্টারদা সূর্য সেন হলে গত ৫ মে ২০১৯ মাস্টারদা সূর্য সেনের মুরাল উদ্বোধন করা হয়। বিশ্ববিদ্যালয়ের উপাচার্য অধ্যাপক ড. মো. আখতারুজ্জামান প্রধান অতিথি হিসেবে উপস্থিত থেকে এই মুরালের আনুষ্ঠানিক উদ্বোধন করেন।

সূর্য সেন হলের হাউজ টিউটর ও কারুশিল্প বিভাগের চেয়ারম্যান জনাব মো. আব্দুল মোমেন, হলের হাউস টিউটর এবং অকথন ও চিত্রায়ন বিভাগের সহকারী অধ্যাপক জনাব সহিদ কাজী ও জনাব সোহান এই মুরালটি নির্মাণ করেন।

এছাড়া, সূর্য সেন হল অ্যালামনাই এসোসিয়েশনের

হল প্রভোস্ট অধ্যাপক ড. এ. এস. এম. মাকসুদ কামালের সভাপতিত্বে অনুষ্ঠিত এতে বিশেষ অতিথি ছিলেন বিশ্ববিদ্যালয়ের কোষাধ্যক্ষ অধ্যাপক ড. মো. কামাল উদ্দিন। অনুষ্ঠানে অন্যান্যের মধ্যে বক্তব্য রাখেন বাংলাদেশ ছাত্রলীগের সভাপতি রেজওয়ানুল হক চৌধুরী শোভন, ডাকসুর এজিএস সাদ্দাম হোসেন, সূর্য সেন হল ছাত্র সংসদের ভিপি মো. মারিয়াম জামান খান সোহান, জিএস মো. সিয়াম হোসেন এবং সূর্য সেন হল অ্যালামনাই এসোসিয়েশনের সাধারণ সম্পাদক মাহমুদ হাসান। এসময় বিভিন্ন হলের প্রভোস্ট, হলের আবাসিক শিক্ষকবৃন্দ, হল অ্যালামনাই এসোসিয়েশনের সদস্যবৃন্দ



সহযোগিতায় বাংলাদেশ রিকর্ডিশন ডেভেলপমেন্ট ইমপোর্টার্স এন্ড ডিলারস অ্যাসোসিয়েশন হলের ৫০ জন অসচ্ছল ও মেধাবী ছাত্রকে বৃত্তি প্রদান করে। তাদের প্রত্যেককে ৫০০০/= (পাঁচ হাজার) টাকা করে বৃত্তি প্রদান করা হয়।

এবং হলের শিক্ষার্থীবৃন্দ উপস্থিত ছিলেন। একই অনুষ্ঠানে হলের শিক্ষার্থীদের বিশুদ্ধ পানি পানের জন্য ১৯টি পানি বিশুদ্ধ করন যন্ত্র এবং পরিষ্কার পরিচ্ছন্নতার জন্য ৩৩টি ডাস্টবিন প্রদান করা হয়।

## শহীদ রনদা প্রসাদ রায় একাডেমিক এক্সিলেন্স এ্যাওয়ার্ড পেলেন দুই কৃতী ছাত্রী



২০১৭ সালের বিএস সম্মান পরীক্ষায় অসাধারণ ফলাফল অর্জন করায় ঢাকা বিশ্ববিদ্যালয় গণিত বিভাগের দু'জন কৃতী ছাত্রীকে "শহীদ রনদা প্রসাদ রায় এ্যাওয়ার্ড অব একাডেমিক এক্সিলেন্স" প্রদান করা হয়েছে। এ্যাওয়ার্ডপ্রাপ্ত ছাত্রীরা হলেন- সুখমা পাল ও অতসী দাস। গত ৩০ এপ্রিল ২০১৯ উপাচার্য লাউঞ্জে এক অনুষ্ঠানে প্রধান অতিথি হিসেবে উপস্থিত থেকে ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান শিক্ষার্থীদের হাতে এ্যাওয়ার্ড তুলে দেন। ঢাকা বিশ্ববিদ্যালয়ের কোষাধ্যক্ষ অধ্যাপক ড. মো. কামাল উদ্দীনের সভাপতিত্বে অনুষ্ঠানে গণিত বিভাগের চেয়ারম্যান অধ্যাপক ড. অমল কৃষ্ণ হালদার, ফলিত

গণিত বিভাগের চেয়ারম্যান অধ্যাপক ড. মো. শফিকুল ইসলাম এবং ভারপ্রাপ্ত রেজিস্ট্রার মো. এনামউজ্জামান উপস্থিত ছিলেন। উপাচার্য অধ্যাপক ড. মো. আখতারুজ্জামান শহীদ রনদা প্রসাদ রায়-এর স্মৃতির প্রতি গভীর শ্রদ্ধা নিবেদন করেন। অসাম্প্রদায়িক চেতনায় উদ্বুদ্ধ হওয়ার জন্য শিক্ষার্থীদের প্রতি আহ্বান জানিয়ে তিনি বলেন, দেশে সামাজিক সম্প্রীতি প্রতিষ্ঠায় শিক্ষার্থীদের নিরলসভাবে কাজ করতে হবে। উল্লেখ্য, শহীদ রনদা প্রসাদ রায় ঢাকা বিশ্ববিদ্যালয় গণিত বিভাগের ছাত্র ছিলেন। ১৯৭১ সালের ২৫ মার্চ কালোরাতে বর্বর পাকিস্তানী বাহিনীর গুলিতে তিনি নিহত হন।

## ১১ জন শিক্ষার্থীর 'এ এন এম জাহেদ স্মৃতি বৃত্তি' লাভ



ঢাকা বিশ্ববিদ্যালয় পপুলেশন সায়েন্সেস বিভাগের উদ্যোগে গত ৩০ এপ্রিল ২০১৯ সামাজিক বিজ্ঞান অনুষদের অধ্যাপক মুজাফ্ফর আহমেদ চৌধুরী মিলনায়তনে অনুষ্ঠিত এক অনুষ্ঠানে বিভাগের ১১জন শিক্ষার্থীকে 'মরহুম এ এন এম জাহেদ মেমোরিয়াল ট্রাস্ট

বৃত্তি' প্রদান করা হয়। বিভাগীয় চেয়ারম্যান অধ্যাপক ড. মোহাম্মদ মঈনুল ইসলামের সভাপতিত্বে অনুষ্ঠিত এতে প্রধান অতিথি ছিলেন সামাজিক বিজ্ঞান অনুষদের ডিন অধ্যাপক ড. সাদেকা হালিম। অনুষ্ঠানে বিভাগীয় শিক্ষক-শিক্ষার্থীরা উপস্থিত ছিলেন।